

قصيدة ليلة الحادي عشر من محرم مكتوبة

إنّ قصيدة ليلة الحادي عشر من محرم هي من واحدة من القصائد المكتوبة في رثاء الحسين بن علي رضي الله عنهما، وفيما يلي نورد كلمات هذه القصيدة

يا ليلة الحادي عشر آه اشعظم هالليله

من جابو الماي وغدت ضجه ابحريم العيله

ركظت رقيه اعله السگه ونادت اجف ياسگاي

لو تاخذ الماي وترد لو للرمح تمشي اوياي

هاليوم ثالث والدي عطشان ما شارب ماي

اغرفله بجفوفي العذب بلچن اروي اغليله

تعرف الماي ولو مشت من اجفوفهه يتبده

وما بين ابوهه والسگه اتجيب الدرب واترده

طفله وغصنها من العطش ذبلان مثل الورده

ومن وصلت الذاك الرمح قلت عليها الحيله

ما وصلت الربع الرمح كل ما تمد ايديها

بالخيزران اتعلگت تحني الرمح مابيها

حاولت يا ما حاولت رفعت جعب رجليها

گعدت تحن يم الرمح وسهرت الليل ابحيله

ييجي على ابجاهه الرمح ظل ينحني ويطوه

من شافها هدها العنه وكامت تكوم وتهوه
حتى بعدوها توسلت بلجن بكايه مروه
ينزل الراس من الرمح اتشربه العذب وتشيله

كاموا يضحون العده شوف الدهر دولابه
حسبالهم طفلة عمر جابولها لعابه
وهي على ابوها مفرفره تبجي وتحن يابابا
والراس يتمايل غده يبجيلهه وتبجيله

وكعت على راك الرمح وتريد تسهر يمه
لن من ظلام المعركه تسمع نوايح حرمه
يحببية انا عمتج ردي علي ياعمة
كلبي انفطر من لوعتج وانت بحزن ونحيله